

腹脹

錢腹脹由脾胃虛氣攻作也實者悶亂喘滿可下之

用紫霜丸白餅子

此言未下而喘者為實故可下若誤下而喘者為虛氣附肺不可下

也紫霜丸白餅子二方見癰瘡

不喘者虛也不可下若誤下之則脾

虛氣上附肺而行肺與脾子母皆虛肺主目胞腮之

類脾主四肢母氣虛甚即目胞腮腫四肢黃色治之

用塌氣丸漸消之未愈漸加丸數不可以丁香木香

橘皮芫薹大溫散藥治之何以然脾虛氣未出故雖

腹脹而不喘可以溫散藥治之使上下分消其氣則

愈矣若氣虛已出附肺而行卽脾胃內弱每生虛氣
入於四肢面目矣小兒易爲虛實脾虛則不受寒溫
服寒則生冷服溫則生熱當識此勿誤也胃久虛熱
多生疸病或引飲不止脾虛不能勝腎隨肺氣上行
於四肢而目腫若水狀腎氣漫浮於肺卽大喘也此
當用塌氣丸病愈後面未紅者虛衰未復故也此下
後喘
故宜塌氣丸若未
下而喘宜下之治腹脹者譬如行兵戰寇於林
寇未出林以兵攻之必可獲寇若出林不可急攻
則必有失當以意漸收之卽順也寇未出林謂虛氣
未出而不喘不目
胞肥腫故可用丁香木香大溫散藥上下分清其氣
而愈也寇已出林謂虛氣已出爲喘爲目胞腫須用

場氣之
漸消之

治小兒虛腹脹先服塌氣丸不愈腹中有

食積結糞小便黃時微喘脉伏而實時飲水能食者
可下之蓋脾初虛而後有積所治宜先補脾然後下
之後又補脾即愈也不可補肺恐生虛喘

潔古腹脹虛實 凡久病吐瀉之後虛則其脉微細

肺主目胞及腮脾主四肢若色淡黃目胞腮虛腫手

足冷先服塌氣丸後服異功散和中丸四君子湯益

黃散之類用諸溫藥養真氣

異功散和中丸四君子湯三方並見吐瀉

實則脉洪實不因吐瀉久病後亦不因痢下腹脹而
喘急悶亂更有痰有熱及有宿食不化而腹脹者宜

服白餅子大黃丸解毒丸下之兼須詳認大小便如

都不通先利小便後利大便

白餅子方見癰解毒丸方見喉痺大黃丸方見

傷寒

雲岐云小兒熱結於內腹脹壯熱大便赤黃躁

悶煩亂者宜瀉青丸

薛東垣云寒脹多熱脹少皆主於脾胃虛者宜用六

君子湯若喘而氣短者脾肺氣虛也用異功散補之

若服尅伐之類而喘脹益甚者脾肺之氣復傷也用

前湯加半夏升麻若既下而不喘則邪氣去而肺氣

寧也不必用藥或病久小便不利或四肢浮腫者脾

肺之氣虛不能通調水道也用金匱加減腎氣丸主

之或手足逆冷睡而露睛脾胃虛寒也用六君子加
炮薑手足不冷睡而露睛脾胃虛弱也用六君子湯
若面色青木尅土也用六君木香柴胡更當調治乳
母節其飲食恐藥餌過劑復傷胃氣故也 一小兒
腹脹面赤痰喘大便秘壯熱飲冷此形病俱實用紫
霜丸一服諸證益甚面色頓白飲湯不絕余以爲邪
氣退而真氣復傷故面白而喜湯用白朮散大劑煎
湯令恣飲良久而睡翼日頓安 一小兒傷食腹脹
胸滿有痰余治以異功散而痊後復傷食腹脹兼痛
或用藥下之痛脹益甚而加氣喘此脾胃傷而致肺

虛也用六君子加桔梗調補而痊 一小兒腹脹惡
食發熱惡心證類外感余曰此飲食停滯也用保和
丸一服諸證頓退惟腹脹用異功散而痊 一小兒
傷食腹脹服尅伐之劑小便澀滯又服五苓散之類
飲食漸減小便不通四肢頓腫余朝用金匱腎氣丸
去附子夕用補中益氣湯而安 一小兒腹脹大便
青白腹左一塊面色痿黃齒齲赤爛食少滯頤余用
異功散調補中氣爲主佐以大蕪荑湯清疳治熱月
餘諸證稍愈仍服異功散及蚶蜊丸外貼阿魏膏兩
月塊消左脇微痛用四君子湯九味蘆薈丸而愈

百問云有疳脹氣脹癥積脹鎖肚脹腕膈脹食脹
虵脹虛冷積脹其疳氣積脹宜先與保童兼塌氣以
去之其痞癖氣脹癥積脹宜三稜以消痞其鎖肚脹
宜與珍珠天麻丸以通之其土膈中脘食傷膨脹宜
三稜塌氣大茱連丸以消磨之其虵脹宜下蟲丸以
化之其虛冷積脹宜沉香煎以溫之以上諸證宜調
和胃氣消磨通利腫脹必然平復矣如有熱者必以
葶藶牽牛等輩以治之推氣丸劑亦可用 按百問
分證雖詳而偏於攻下若無錢張活法薛氏補法以
主之鮮不殺人慎之

瀘寒塌氣丸

胡椒

壹兩

蝎尾

半兩

右爲末糊丸如粟米大每服五七丸至一二十丸
陳米飲下無時 一方有木香壹錢
錢氏潔古所用塌氣丸乃此二味不可誤用後有
牽牛者慎之

本事調中丸

治小兒久傷脾胃腹脹

乾薑

橘紅

白朮

茯苓

木香

砂仁

官桂

良薑

各等分

右細末糊丸如麻子大每服二三十丸食後熟水

下

聖惠治小兒脾虛腹脹不能乳食訶梨勒丸

訶梨勒

煨用皮

厚朴

去麤皮塗生薑汁炙令香熟

陳橘皮

湯浸去白焙各半兩

乾薑

炮裂

甘草

炙微赤剉

木香

白朮

人參

去蘆頭各壹分

右件藥搗羅爲末鍊蜜和丸如麻子大每服以粥

飲下五丸日三四服量兒大小加減服之

張氏溫脾散

治脾胃虧損腹脇虛脹乳食不進困

倦無力

訶子肉

人參各半錢

白朮

木香

桔梗

茯苓

藿香

陳皮

黃耆各伍錢

甘草炙貳錢半

右每服二三錢薑棗水煎

冷積沉香煎 治脾氣冷積

乳香

沉香

丁香

杏仁炒

百草霜

木香各壹錢

肉豆蔻壹箇煨

巴豆拾肆粒出油如霜

右爲末酒煮蠟和丸菉豆大每服三五丸淡生薑湯送下應患肚痛不止服之效常服以通爲度

疳三因肥兒丸 治小兒病多因缺乳喫食太早所致

或因久患藏府胃虛蟲動日漸羸瘦腹大不能行髮豎發熱無精神

黃連

神麴

各壹兩

麥芽

炒半兩

木香

貳錢

檳榔

叁箇不見火

使君子

肉豆蔻

麴裏煨各半兩

右爲末糊爲丸如桐子大每服三二十丸量兒如

減熟水吞下

六神丸 治如前證

丁香

木香

肉豆蔻

用麩裏煨各伍錢

訶子

煨去核半兩

使君子

蘆薈

研各壹兩

右爲末以棗肉和丸如麻子大每服五丸至七丸

溫米飲下食前

治小兒疳病或腹大

胡黃連

貳錢去果積

阿魏

壹兩半去肉積

神麴

貳錢去食積

黃連

貳錢去熱積

麝香

肆粒通竅

右爲末每服十二粒白朮湯下

褐丸子

治疳腫脹

蘿蔔子壹兩 微炒

陳皮

青皮

檳榔

五靈脂

蓬朮煨

黑牽牛

取淨末半生半炒

赤茯苓各半兩

木香貳錢

右爲末麴糊丸菴豆大每服十五丸紫蘇葉或白

湯下

五疳保童丸 治五種疳疾

五倍子生

青黛

夜明砂布裹洗

苦楝根皮

蘆薈

熊膽研入

黃連去毛

龍膽草生用

乾蟾酥炙去皮骨

麝香 研入

蕪荑 取仁

蟬退 去土各等分

右末用粟米糊為丸麻子大一歲兒二十九飯飲

下二三服

幼科有丁奚哺露無辜等名其證腹大頸小黃瘦皆疳脹之異名也輕則為此重則為彼耳今仍舊別立門於疳後

氣楊氏塌氣散 治小兒腹脹氣喘體腫面浮

陳米 壹合炒黃

青皮 去穰巴豆貳拾壹粒炒黃色去巴豆

甘草 炙各半兩

黑牽牛 貳錢半半生半炒

肉豆蔻 貳箇煨香

右末半錢米飲調下加檳榔壹箇

塌氣丸

治小兒疳氣腹脹喘急并面浮腫

丁香

胡椒

炒各伍錢

蘿蔔子

炒

白牽牛

各柒錢半

右爲末麪糊丸小豆大三歲三十九米湯下

塌氣散

治小兒腹脹氣麤并疳疾相攻面目浮腫

木香

壹錢

青皮

半兩

巴豆

叁拾粒同炒豆黃色

豆

右爲末三歲半錢米湯下食前連進卽效

分氣飲

治小兒腫脹作喘氣短而急

桔梗

赤茯苓

陳皮

桑白皮

大腹皮

枳殼炒

半夏

真蘇子

紫蘇

甘草

炙各
貳錢

草果仁

壹錢

右判散每服一錢半薑棗煎服

癰積

三稜煎丸

治嬰孩食傷生冷甜膩毒熱等物脾胃

積滯久不尅化令兒肚熱脚冷痞癖寒熱及療癥

瘕中脘不和膨脹上膈氣壅心腹不得宣通所以

作疾此藥溫良但是諸積滯食不化並宜與服

京三稜成塊

蓬朮並炮各
半兩

芫花貳錢半
醋浸炒

鼈甲

去襖米醋炙焦半兩

淡豆豉

貳錢

巴豆

貳拾壹粒去殼

川當歸

半兩

杏仁

去皮尖貳錢半炒令赤

右前四味一處以米醋一碗煮令乾仍用炒起更

細剉焙爲末次入當歸末杏仁巴豆淡豆豉和勻

水煮麪糊爲丸麻子大每服二十丸薑湯下大小

加減服之

三稜丸

治小兒停積腹脇脹滿乾噦惡心全不入

食

三稜

煨

木香

神麪

炒

陳皮

去白

半夏

薑汁製各壹兩

丁香